

November 2023

## ATHENE EN BOOTVAART NA GRIEKSE EILANDE 16 – 27 Mei 2024 NADERE BESONDERHEDE

**TOERPRYS: R64 480** per persoon wat deel plus ongeveer **R2 250** vir lughawebelasting en footjies asook koste vir 'n visum en reisversekering.

Hierdie toer bestaan uit 2 nagte in Athene en 'n sewe nagte bootvaart na die Griekse eilande.

### INGESLUIT BY DIE TOERPRYS:

- Retoervlug met **Emirates** vanaf **Johannesburg** via Dubai na **Athene**
- Daar is plek vir ongeveer 6 persone om direk uit Kaapstad te vlieg teen 'n geringe koste ekstra.
- Vervoer per luukse bus in Athene
- Twee aandetes in Athene waarvan een 'n musiek- en dansvertoning insluit
- Begeleide stadstoer van Athene
- Ligte Griekse middagete
- Opwindende bootvaart na verskillende Griekse eilande. Alle kajuite het buitevensters. Stap verskeie kere aan wal vir interessante besoeke
- Drie etes per dag op die boot
- Afrikaanssprekende toerleiers vergesel groep
- Footjies vir die bootvaart

### NIE INGESLUIT BY DIE TOERPRYS NIE:

- Lughawebelasting: Die lughawebelasting is gekoppel aan die wisselkoers en beloop ongeveer **R1 580**
- Footjies: Vir die dae in Athene voor en na die bootvaart. Toerleiers oorhandig dit namens u aan die busbestuurders, gidse, hotel- en ander dienspersoneel: **R670** per persoon:
- Visums: U benodig 'n Griekse Schengenvisum. Die koste beloop ongeveer **R2 140** – Volledige inligting oor die visumaansoekproses volg later in 'n Omsendbrief
- Reisversekering, waarvoor u later volledige besonderhede kry
- Persoonlike uitgawes soos telefoonoproepe, aandenkings, drankies, ekstra verversings ens.
- Paspoorte – verkryging daarvan
- Vervoer na en van SA lughawens
- Binnelandse aansluitingsvlugte na O.R. Tambo-lughawe (indien van toepassing)
- Opsionele daguitstappies van die boot af
- Opgradering na 'n kajuit met 'n balkon ongeveer R34 000 per kajuit in hierdie stadium. Kwotasies word op versoek gegee
- Enkelverblyfbybetaling by benadering (indien van toepassing). Sien volgende punt

### ENKELVERBLYF

Toerlede kan enkelverblyf op die boot asook in die hotel in Athene kry, mits hulle bereid is om 'n bedrag by te betaal:

Boot R23 520 (vir gewone kajuit)

Hotel in Athene (2 nagte): R2 400

Alternatiewelik kan u versoek om met een van die ander enkelopende toerlede 'n kajuit/kamer te deel, indien iemand beskikbaar is

### OPSIONELE UITSTAPPIES

**Tydens die bootvaart is uitstappies wat die boot op land aanbied, opsioneel.** Ons het geen beheer daarvoor nie en u bespreek dit vooraf aanlyn of aan boord by die boot se ekskursie-toonbank. Op sekere uitstappies is beperkte plekke beskikbaar terwyl ander volgens vraag en aanbod aangebied word. Die weer speel ook 'n bepalende faktor t.o.v. sekere uitstappies. Inligting oor al die ekskursies word deurgaans op 'n

Posbus 17203 | Pretoria-Noord | 0116

Tel: 012 546 4967 | Faks: 086 530 2326 | E-pos: [info@toere.co.za](mailto:info@toere.co.za) | Web: [www.travelentoer.co.za](http://www.travelentoer.co.za)

spesiale TV-kanaal in u kajuit deurgegee en u sal genoeg tyd kry om besprekings daarvoor te maak wanneer u aan boord is. U kan dit ook voor vertrek via die internet doen. Dit staan u vry om géén opsionele uitstappies te onderneem nie – van die dorpies is interessant genoeg om net op u eie te verken. U kan ook besluit om byvoorbeeld aan slegs een of twee opsionele uitstappies deel te neem. Daar is geweldig baie opsies en dis bykans onmoontlik om alles te lys.

### **ONS BOOT**

Die **MS MUSICA** is 'n luukse boot van 12 verdiepings en kan ongeveer 2 550 passasiers huisves. Daar is 'n lieflike teater met daaglikse vermaak, verskeie winkels, casino-geriewe en baie sport- en ontspanningsgeriewe soos 'n oefengimnasium, gewone en verhitte swembaddens, jacuzzi, minigholfbaan, en spesiale vermaak vir jongmense.

Die boot het 'n paar sitkamers met groot vensters waarvandaan u 'n onbelemmerde uitsig het en natuurlik is daar ook ruim sitplek op die buitedek. Daar is meer as een restaurant en kroeg aan boord. Tee en koffie is deurentyd beskikbaar. Die etes is uitstekend en maak voorsiening vir elke moontlike smaak. Ontbyt en middagetes is uitgebreide buffet-etes wat u op u eie tyd en volgens u eie roetine kan geniet. Driegang-aandetes word saans saam as groep in die restaurant geniet waar ons vanaf 'n spyskaart met verskeie opsies bedien word. Alle vermaak en etes aan boord is by die toerprys ingesluit. Wyn en ander drankies by etes is egter addisioneel.

Alle kajuite wat ons op die boot bespreek het, is buitekajuite. Kajuite het privaat stort- en toiletgeriewe, 'n haardroër, TV, koningingrootte bed (kan ook as twee enkelbeddens aangewend word) en genoeg pakplek. Linne en handdoeke word daaglik of volgens gaste se behoefte vervang.

### **INSKRYWING**

'n Inskrywing is eers geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

Nadat u ingeskryf het, ontvang u Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

### **BEREKENING VAN TOERPRYS**

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak.

### **DEPOSITO**

Die Toerdeposito beloop **R10 000 per persoon**.

### **FINALE BETALING**

Die volle toerprys plus alle ander geld (fooitjies, versekering ens.) vir die toer moet vóór **16 Februarie 2024** betaal word. **LW: Soos met alle toere, is die prys van dié toer gekoppel aan faktore buite ons beheer wat die toerprys en toerprogram kan beïnvloed.** Persone wat ná 16 Februarie 2023 inskryf, betaal wanneer hulle Omsendbrief 2 met die Rekening (Verdelingsvorm) ontvang.

Indien daar nie genoeg mense ingeskryf het teen 16 Februarie nie, sal ons u vooraf in kennis stel om nie die betaling te doen nie.

### **WYSE VAN BETALING**

- Groepvlugte by Emirates kan nie per per kredietkaart betaal word nie. Dit word direk aan CvW-Toere betaal, wat dit oorbetal aan Emirates.
- **Bankdeposito/EFT:** Die landreëlings plus die vlugte (toerprys) word saam met bykomende koste soos lughawebelasting, versekering en fooitjies direk aan Christine van Wyk-Toere betaal deur inbetalings/elektroniese oorplasinge, **nadat u inligting in 'n omsendbrief daarvoor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

### **Bankbesonderhede:**

**Christine van Wyk-Toere**

**Standard Bank Tjekrekening** (Lopende rekening / Current account)

Takkode: **051001**

Tjekrekeningnommer: **410 722 782**

**NB: Gebruik u voorletters en van as verwysing** (nie die toer se naam of u noemnaam nie) **met betalings!**

### **KANSELLASIE**

Indien u genoodsaak is om u toer te kanselleer, geld die volgende voorwaardes en terugbetalings:

Ingeskrewe toerlede wat vóór **16 Januarie 2024** skriftelik kanselleer, kry **R9 500** per persoon van die toerdeposito terug. Toerlede wat **daarná, tot 16 Februarie 2024** kanselleer, kry **R9 000** per persoon terug. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **16 Februarie 2024**), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellering kragtens die polis aanvaarbaar is. Volledige besonderhede oor reisversekering word gestuur aan almal wat inskryf.

**Toerdeposito's van toerlede wat kanselleer, word terugbetaal sodra CvW-Toere u volledige bankbesonderhede skriftelik ontvang het.**

Alle vliegkaartjies word deur **FERNWEH TRAVEL** uitgereik. Die toerprys sluit retoervliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan die koste van die groepvliegkaartjie van die toerprys afgetrek word. Die afslag ter sprake is **R11 180**. (Dit is die koste van die vlug minus die deposito van R2 000 wat ons op die Emirates vlug verbeur)

Konsessiehouers en persone met eie vlugte kan hulle in Athene by die toergroep aansluit

### **WEGBREKERS**

Dit is moontlik om ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooi van ongeveer R500 indien u u groepvlug wil aanpas.

### **PASPOORTE (DRINGEND!)**

**Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.**

### **MINDERJARIGES WAT SAAM MET U REIS (Indien van toepassing)**

**BAIE BELANGRIK:** Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikaat wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

### **GESONDHEID EN TOERFIKSHEID**

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie van medetoerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in en uit 'n toerbus of boot moet kan klim en onafhanklik 'n stel van 15 trappe, insluitend roltrappe, kan klim. 'n Mens moet deurentyd jou eie handbagasie kan hanteer. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap. Indien u nie aan hierdie riglyne voldoen nie, MOET u iemand saamneem wat na u kan omsien.